

րոգութեան կալուածոց Երուսաղէմի, Բեթղեհէմի, Ռեմէի, Յոպպէյի, Դամասկոսի, Բերիոյ եւ Եգիպտոսի, եւ ըստ մտաց հրովարտակին էսա գիր 'ի դատարանէն Երուսաղէմի' եւ արդեւ զհակառակորդս կալուածոց :

Յաւուրս սորա երեւելի էր 'ի մէջ աղբին 'ի Կոստանդինուպօլիս Ակնցի Եաղուպ աղայն Յովհաննէսեան, մտերիմ բարեկամ Յակոբայ Պատրիարքի՝ ձեռնտու եւ օգնական յամենայն գործս նորին . բազում անգամ գրեաց առ նա յԵրուսաղէմէ թուղթ սիրոյ եւ յորդորանաց, եւ բազմապատիկ յարգանօք հրաւիրէր զնա գալ յուխտ յԵրուսաղէմ . կոչէր զսա վաճառապէտ արքունի, նոր Յովսէփ գեղեցիկ ժամանակին եւ երկրորդ Զօրաբարել տաճարաչէն, որպէս գրեալ կայ 'ի պղնձի տախտակի յիշատակարան նորին, յորում մի առ մի թուին ընծայք եւ յիշատակիք պարեպաչտ առնն, զորս նուիրեաց 'ի տաճար Ս . Յակոբայ :

Արդ զիջեալ սորա 'ի խնդիր Յակոբայ Նալեան եկն յուխտ յԵրուսաղէմ ընտանեօք, եւ ընկալան զնա Պատրիարքն եւ միաբանք բազում սիրով եւ յարգանօք : Եւ ապա ինքն զինի արդիւնաւոր ողորմութեան, եւ բանալոյ ըզդուռն տաճարին Ս . Յարութեան, եւ բաժանելոյ զընծայս բոլոր միաբանաց, եւ կատարելոյ զբարեպաշտական սովորութիւնս, յաւել տալ զնուէրս 'ի գանձս Ս . Աթոռոյն, եւ Ս . Տեղեաց Քրիստոսի՝ 'ի յիշատակ իւր եւ ազգատոհմին իւրոյ, որք են, 1 արծաթի ջահ 56 օխայ, կախել 'ի մէջ գմբեթի եկեղեցւոյն Ս . Յակոբայ, եւ 'ի ներքոյ նորին կանթեղք 8 . 1 մեծ եւ պատուական վարագոյր Աւագ Սորանին ոսկիթեւ ասղնեգործ, յորոյ վերայ տեսանին կերպարանք վիշապաց . 2 ծաղկեայ տիսլայ գոգնոց . 1 Իւղարերից շուրջառ . 1 Ստոֆա վարագոյր Ս . Գլխադրի, եւ որմոց նորին պատկերք Տնօրէնութեան Փրկչին, գործ ըսքանչելի, հանդերձ արծաթի շրջանակաւ եւ վանդակաւն . 1 արծաթ կանթեղ 'ի մատուռն Մակարայ Հայրապետի . 1 ոսկեթեւ թաւիշագործ (կլապիտոն աթլազ տօզումայ) վարագոյր, Ս . Էջմիածնի խորանին . 1 պղինձ ծօրակ արնտեսատան, երկաթեայ արտաքին մեծ Դուռն վանաց : Ս . Յարութեան՝ 1 ոսկի կանթեղ 600 տրամ 'ի վերայ Գերեզմանին Քրիստոսի . 1 շուրջառ . 1 սաղալարառ . 1 վա-